

20/12

irizpena

Turismo-aterpetxeak arautzeari gaineko
Dekretu Proiektuari Buruzkoa

Bilbon, 2012ko irailaren 21ean



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzordea



*i*rizpena 20/12

I.- SARRERA

2012ko abuztuaren 1ean Euskadiko Ekonomia eta Gizarte Arazoetarako Batzordean Eusko Jaurlaritzako Industria, Berrikuntza, Merkataritza eta Turismo Sailaren idazkia sartu zen. Idazki horren bidez, Sail horrek txostena eskatu zuen Turismo-aterpetxeak arautzeari buruzko Dekretu-proiektuaren gainean, Euskadiko Ekonomia eta Gizarte Arazoetarako Batzordearen maiatzaren 17ko 8/2012 Legearen 3.1.a) artikuluan ezarrita dagoenaren arabera.

Galdetu den Dekretu-proiektuaren xedea, Euskadiko turismo-aterpetxeak arautzea da.

20/12*i*

Berehala igorri zitzairen ale bat Batzordearen osoko bilkurako kide guztiei, proposamenak eta iritziak eman ditzaten eta Lan Batzordeari helaraz diezazkioten, Euskadiko Ekonomia eta Gizarte Arazoetarako Batzordearen Funtzionamenduaren Arautegian ezarritakoaren arabera.

2012ko irailaren 19an, Garapen Ekonomikoko Batzordea bildu zen, Irizpen Aurreproiektuaren lehenengo proposamen bat eztabaidatzeko. Egun berean, Batzordeak Irizpen Proiektu hau onetsi zuen, eta 2012ko irailaren 21ean EAEko EGABeko osoko bilkuraren irizpenpean jarri zen. Bertan aho batez onetsi zen.

II.- EDUKIA

Dekretu-proiektuari buruzko testuak Zioen Azalpena, 29 artikulua 6 Kapitulutuan banatuak, Xedapen Iragankor bat eta 2 Azken Xedapen dauzka; eta Eranskin bat, Plaka Bereizgarria agertzen duena.

ZIOEN AZALPENA

Zioen Azalpena hasteko aipatzen da EAEk, Autonomia Estatutuaren 10.36 artikuluan arabera, turismo-alorreko eskumen eskusiboa duela, eta eskumen hori betez, turismoa antolatzeke martxoaren 16ko 6/1994 Legea argitaratu zela, eta Lege hori 16/2008 Legeak aldatu zuela, turismo-aterpetxeen

geroko arauzko garapena zehaztuz.

Azalpenak jarraian hau adierazten du: beharrezkoa da beste Autonomia Erkidego batzuetan lehendik dauden establezimenduetako –“urban house”, “hostel” edo antzekoetako– ostatu-eskaintza arautua edukitzea. Establezimendu horiek, kualitatiboki Euskadin turismo-establezimendu tradizionalak eskaintzen dutenez bestelako prestazio eta zerbitzuak eskaintzen dituzte, adibidez, ostatua ohe anitzeko geletan ematea.

Horrenbestez, helburua turismo-ostatuaren sektorearen gaur egungo arau-esparru orokorra nahiz turismo-produktuak sortzeko estrategia osatzea da. Produktu horien artean nabarmentzekoa da “Donejakue Bidea”ri buruzkoa, Euskal Autonomia Erkidegotik pasatzen den Donejakue Bidearen zatia Monumentu Multzoa kategoriako Kultur Ondasun Sailkatua izendatzen duen urtarrilaren 10eko 2/2012 Dekretuan azaltzen den bezala.

Azalpenak azkenean hau azaltzen du: beste alde batetik, Dekretuak bat egiten du Europako Parlamentuak eta Kontseiluak 2006ko abenduaren 12an barnermerkatuko zerbitzuez emandako 2006/123/CE Zuzentarauarekin; eta estatu-eremuan zuzentaru horren transposizioa zati batean egiten duen zerbitzuen eskuragarritasun-eta erabilera-askatasunari buruzko azaroaren 23ko 17/2009 Legearekin.

XEDAPENAK

I Kapituluak (Xedapen Orokorrak) (1.etik 4.era bitarteko artikulua)

Dekretuaren xedea definitzen du, hau da, Euskadiko turismo-aterpetxeen arauketa, honela definituta: prezio baten bitartez, etengabe eta modu profesionalan, ohe anitzeko geletan, zerbitzu osagarriekin edo zerbitzu osagarririk gabe, ostatua emaitzen duten establezimenduak.

Ezartzen duenez, jendearentzat irekitako establezimenduak dira, eta guztietan nahitaezkoa izango da ate nagusiaren ondoan plaka bereizgarri normalizatua erakustea. Azkenik, 4. kapitulan egingo duten publizitatea zehazten da.

II. Kapituluak (5.etik 11.era bitarteko artikulua) Turismo-aterpetxeen Jarduera

Arautzeko Prozedura arautzen da.

Hala, 5. artikuluan, aurkezten den proiektuak turismo-araudia zein mailatan betetzen duen adieraz dadila eskatzeko aurkeztu beharreko dokumentazioa ezartzen da. 6. artikuluan ezartzen da jarduera hasi baino lehen jarduera horretan aritzeari buruzko erantzukizunpeko adierazpena aurkeztu behar dela, eta 7. artikuluan adierazpen horretan aipatu behar diren elementuak zehazten dira, Lurralde Ordezkaritzak eskatu ahal izango duen dokumentazioaz gain. 9. artikuluan funtsezko aldaketak egiterakoan egin beharreko erantzukizunpeko adierazpenari dagokiona arautzen da. 10. artikulua turismo-aterpetxea ixteari buruzkoa da eta 11.a, Dekretuan ezarritako gutxieneko eskakizun eta baldintzetako baten edo batzuen lekapeari buruzkoa.

20/12*i*

III. Kapituluak Azpiegitura-eskakizunei eta Gutxieneko zerbitzuei buruzkoa da (**12.etik 21.era bitarteko artikulua**). Hau da: instalazioen kalitatea eta gutxieneko zerbitzuak, eskaileren eta korridoreen zabalera, zerbitzuko langileentzako instalazioak, ostatu-unitateen gutxieneko eskakizunak, logelak, higiene-zerbitzuak, egongelak eta jangela-egongela, eta sukalde-zerbitzua. Halaber, 20. artikuluan ezartzen denez, turismo-aterpetxeek, ohe askoko geletako ostatuaz gain, modu zatiezinean eskaini ahalko dituzte “multzo” izeneko ostatu-unitate batzuk, gutxienez logela, bainugela, egon-gela, jangela eta sukaldea dituztenak; eta 21. artikuluan xedatzen denez, establezimenduak solairu bat baino gehiagoko eraikin baten zati bat okupatzen badu, eraikin horren lehenengo solairuan edo bidezkoa bada beheko solairuan edo erdisotoan kokatu ahalko da, baldin eta udal araudiak horretarako aukera ematen badu.

IV. Kapituluak Espezialitateak arautzen ditu (**22. artikulua**). Hala, turismo-aterpetxeek, kokalekuko geografikoaren eta instalazioen eta zerbitzugintzaren berezitasunen arabera, eta establezimenduaren eskariaren tipologiaren arabera, honako espezializazioak izan ahal dituzte: “Donejakue Bidearenak” y “Landa Eremukoak”.

V. Kapituluak Funtzionamendu Araubideari buruzkoa da (**23.etik 28.era bitarteko artikulua**) eta hauek aztertzen ditu: erabiltzaileak izena emateko nahitaezko eskakizuna, ostatuaren prezioak eta horien publizitatea, eta prezio

horren barruan dauden elementuak, fakturak eta erreserbatzeko baldintzak eta aurrerakinak, eta erreklamazio-orriak.

VI. Kapituluak Zehapenak ezartzen ditu (29. artikulua).

Testua burutzeko, Dekretua indarrean jartzean zerbitzua ematen ari diren establezimenduen erantzukizunpeko adierazpenari buruzko **xedapen iragankorra** ageri da, baita arau-garapenerako gaikuntzari eta Dekretua indarrean jartzeari buruzko **bi azken xedapen**; eta Plaka Bereizgarria ageri duen **Eranskin bat**.

III.- GOGOETAK

20/12*j*

III.1. GOGOETA OROKORRAK

Dekretu-proiektuaren Zioen Azalpenean adierazi den bezala, EAEk, Autonomia Estatutuaren 10.36 artikulua arabera, turismo-alorreko eskumen eskusiboa du, eta eskumen hori betez, turismoa antolatzeko martxoaren 16ko 6/1994 Legea argitaratu zen, eta Lege hori 16/2008 Legeak aldatu zuen, turismo-aterpetxeen geroko arauzko garapena zehaztuz.

Dekretu-proiektuak haxe jartzen du agerian: beharrezkoa da beste Autonomia Erkidego batzuetan lehendik dauden establezimenduetako –“urban house”, “hostel” edo antzekoetako– ostatu-eskaintza arautua edukitzea. Establezimendu horiek, Euskadin turismo-establezimendu tradizionalak eskaintzen dutenez guztiz bestelako prestazio eta zerbitzuak eskaintzen dituzte, adibidez, ostatua ohe anitzeko geletan ematea. Hala, gure Erkidegoan arauketarik eduki ez arren proiektzio garrantzitsua lortzen ari den turismo-joera arautzen da.

Hosteling International aterpetxeen nazioarteko elkartearen datuen arabera, urtean 38 milioi gau igarotzen dituzte bidaiariek, 350.000tik gora ohetan, 80 herritan dauden 4000 aterpetxetan. Aterpetxeen mugimenduak urtean 8 milioitik gora bidaiari mugitzen ditu bere aterpetxe eta ostatuetan. Estatuan kalkulatu da urtean bidaiariek 3.100.000 gau igarotzen dituztela, eta horrek erakusten du aterpetxeek daukaten garrantzia.

Mota horretako ostatuek turismoan eta ekonomian daukaten ondorio ekonomikoak eta eragina kontuan hartuta, Batzorde honek modu positiboan baloratzen du turismo-aterpetxe horiek modu xehatuan arautzearen ekimena; dena dela, komenigarritzat jotzen dugu honako ñabardura hauek egitea:

- Gure kontsultarako aurkeztutako testua turismo-enpresa eta -establezimenduen xedapen arautzaileak Moldatzeko Dekretu-proiektuaren babespean geratu ahalko litzateke, testu horrek turismo-eskaintza osatzen duten establezimenduen tipologia diferentea barnean hartzen duen neurrian; eta ikusmolde bateratu horri esker arautze uniformeagoa eta kudeaketa sinpleagokoa egin ahal izango da.

Izan ere, bi Dekretuen edukian elementu komun asko daude: erantzukizunpeko adierazpenaren beharra, aurkeztu beharreko dokumentazioa, aseguruia kontratatu beharra, dokumentazioaren aurkezpena, lekapena...

20/12*i*

Beste hitz batzuetan, Batzorde honek elementu konpartituekin testu bakar eta komuna egitea proposatzen du.

- Higiene eta osasun baldintzen arloko arauketa oso orokorra da, eta aterpetxeetan izurri-espezieen presentzia arautzeko eta produktu biazidoen erabilera desegokiarengatik pertsonen osasunerako nahiz ingurumenerako ondorio kaltegarriak saihesteko aukera ona alferrik galtzen da. Adibidez, pentsa dezagun ohe-zimitzean.
- Donejakue Bideko Aterpetxeei buruz, ez da ezartzen horietarako berariazko bereizgarriak sortzeko araurik, ez eranskinean, ez artikuluetan.

Euskadi zeharkatzen duen Bidea eta bi ibilbideak (bata, kostaldekoa, eta beste barnealdekoa. Barnealdeko bideak aurrera egiten du Bide Frantsesarekin bat egin arte eta Kostaldekoak Kantauri Itsasoko kostalde osoa zeharkatzen du) sustatu nahi badira, komenigarria litzateke turismo-erakargarri guztiak erabiltzea, eta horietako bat aterpetxeak dira. Hala egin ezean, aterpetxeak aprobeztatuz turismoa sustatzeko aukera ona galduko da, beste Autonomia Erkidego batzuek (Nafarroak eta Gaztela eta Leonek)

sortu dituzten berariazko bereizgarriak ez emateagatik.

- Testuan ez da agertzen lehendik dauden turismo-aterpetxeen egokitzapena. Geure buruari galdetzen diogu nola funtzionatuko duen epealdi iragankorrak.

III.2. GOGOETA BEREZIAK

Zioen azalpena

EAEko turismo-enpresa eta -establezimenduen xedapen arautzaileak aldatzeko Dekretu-proiektuan gertatzen den bezala, Dekretu honekin batera doana oso laburra da, eta “urban houses” eta “hostels” direlakoan aipamenak alde batera utzita, lege-erreferentziak baizik ez ditu aipatzen (Zuzentarauak, legeak, etab.).

Agerikoa da kontsultatu zaigun agiriak hizpide dugun jarduera-sektorea arautzeko beharrezana justifikatzen duten lege arrazoiak eta arrazoi orokorrak azaldu behar dituela, turismo-sektore osoari dagozkion alderdi orokorretatik abiatuta, turismo-aterpetxeen kasu zehatzarekin amaitzeko.

Alderdi horiek Kanpinak Arautzeko Dekretu-proiektuan ageri dira (hori ere Batzorde honen irizpenpean jarri da), eta kasu zehatz honetan aplikatu ahal dira, turismo-sektore osoari buruzkoak direlako. Hain zuzen ere: Lehenengoa (“Garapena eta proiektzioa...”); hirugarrena (“Izan ere, Legeak...”); zortzigarrena (“Bereziki esanguratsua den beste aldagai bat...”); bederatzigarrena (“Era berean nabarmentzekoa da...”); eta azkena (“Azkenik, doitu egin da...”). Hala ere, komenigarria litzateke azaltzea lehenengo eta bederatzigarren paragrafo horiek nola lagunduko duten helburu orokorra eta sektorearentzako erronkak lortzen.

Halaber, komenigarritzat jotzen dugu paragrafo bat txertatzea, agian kontsultatu zaigun Dekretu-proiektuan hasieran ageri den paragrafoaren atzetik, xedea argitu eta osatu ahal izateko. Paragrafo hori honela idatzi ahal izango litzateke:

“Beraz, turismo-establezimendu horiek arautzeko, arau aldetik ere erregulatu behar dira turismo-erabiltzaileari eskaintzen dizkioten azpiegitura, instalazio eta zerbitzuei dagokienez, horiek sektorea indartuko duen kalitatezko tresna gisa erabili behar baitira”.

Era berean, agirian sektoreko beste arau batzuetan aipatzen diren lege-erreferentziek planteatzen dutenaren azalpen bat agertu beharko litzateke.

Eta testuinguru horretan, proposatzen dugu Kanpinak Arautzeko Dekretu-proiektuan baino zabalago azal daitezela alde aurretiko baimenen orde erantzukizunpeko adierazpena ezartzeko arrazoiak. Izan ere, aldaketa hori 2006/123/CE Zuzentarauan justifikatuta dagoen arren, komenigarritzat jotzen dugu horri buruzko azalpen zabalago bat ematea, eta ez besterik gabe arrazoi gisa erraztasun handiagoa aipatzea.

20/12*i*

Azkenik, agirian artikuluen azalpena agertu beharko litzateke, erabilgarria eta orokorrean aplikatzekoa delako.

Beste alde batetik, komenigarria litzateke

- Bigarren paragrafoan ageri den “turismo-administrazio honek bultzatutako” esamoldea kentzea, lege-esparruan ez duelako inolako ekarpenik egiten.
- Azken atalean “Europako Parlamentuaren eta Kontseiluaren 2006/123/CE Zuzentaraia” testuaren errepikapena saihestea.

4. Artikulua. Publizitatea

2. puntuan jarraian aipatuko dena gehitzea gomendatzen da:

2.- Debekatuta dago dagozkienak ez diren edo **establezimenduen modalitate eta tipologiari buruz nahasmena sorraraz dezaketen izendapen, errotulu edo bereizgarriak erabiltzea.**

Eta hori gaur egungo idazkuntza oso lausoa delako, nahasmena sorrarazi ezin dutela adierazita. Gehigarri honekin alderdirik nabarmenenak zehazten dira:

Zerbitzugintzaren tipologia eta modalitatea.

5. artikulua. Establezimenduak turismo-araudia betetzen duen ala ez adierazteko eskabidea

2. puntuan jarraian aipatuko dena gehitzea gomendatzen da:

2.- Interesdunari **erantzuna** jakinarazteko epea 3 hilabetekoa izango da, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 42. artikulua araber.

20/12*i*

7. artikulua. Turismo-jardueran aritzeari buruzko erantzukizunpeko adierazpena

1.d) atalari buruz idazkuntza berria gomendatzen da:

Establezimenduak Dekretu honetan ezarritako eskakizunak eta aplikatu daitezkeen beste guztiak bete ditzala, adibidez irisgarritasuna sustatzeari eta arkitektura- eta zentzumen-oztopoak kentzeari buruzko araudia eta larrialdi-egoeren aurreko segurtasun eta auto-babes araudia eta suteen prebentziokoa.

Hori, idazkuntza zabalago horrek bete beharreko eskakizunak hobeto eta berme handiagoekin zedarritzen dituelako; eta halaber, 8.b) artikuluari alderdi horiek berberak gehitu behar zaizkio.

8. artikulua. Aurkeztutako dokumentazioa egiaztatzea

• Lehenengoz 2. puntuan aldaketa hau gomendatzen da:

2.- Ez badute erantzukizunpeko adierazpena aurkezten, edo erantzukizunpeko adierazpeneko edozein datu, adierazpen edo agiritan funtsezko zer edo zer ez bada zehatza, faltsua bada edo falta bada, edo bete beharreko eskakizunak ez badira betetzen, eta agintari eskudunek hala dela egiaztatzen badute, gerta daiteke turismoko eskumenak dituen organoak prozedura bat abiaraztea **abiaraziko du...**

- Bigarrenez, 8.b) atalean 7. artikuluari buruz azaldu dena kontuan hartzea proposatzen da.

10. artikulua. Itxiera jakinaraztea

Lehenengo paragrafoan adierazten da eredu ofiziala sailaren webgunean egongo dela eskuragarri, eta komenigarria litzateke jarraian aipatuko dena gehitzea:

Turismo-aterpetxeen itxiera oro jakinarazi beharko da, aurretiaz, dagokion Lurralde Ordezkaritzan edo Turismo Administrazioaren organo periferiko batean, **turismo arloan eskumena** daukan sailaren Webgunean eskuragarri dagoen eredu ofizialari jarraituz. Bederatzi hilabetetik gorako aldi baterako itxiera bada, establezimenduaren behin betiko baja emango da. Itxieraren berri ematen ez bada, Turismo Administrazioak baja emango dio establezimenduari, ofizioz, Euskal Autonomia Erkidegoko Turismo-arloko Enpresa eta Establezimenduen Erregistroan.

20/12*i*

11. artikulua. Lekapena

Bigarren paragrafoari dagokionez, komenigarritzat jotzen dugu aipatzen diren derrigorrezko neurriak azaltzea, eta “arquitectural tradicional” zuzentzea, “I” kenduz.

12. artikulua berria gehitzea. Sektoreko Araudia

12. artikulua bat gehitzea gomendatzen da –horrela gaur egungo 12.a aurrerantzean 13.a izango da– **sektoreko araudia** epigrafearekin, eta testu honekin:

Turismo-aterpetxeek indarra duten sektoreko arauak bete beharko dituzte: hirigintza eta eraikuntzaren arlokoak, osasun eta kontsumoari buruzkoak, segurtasunekoak, suteei aurrea hartzekoak, babes zibilekoak, oztopo fisiko eta zentzumenezkoak kentzekoak, higienerari eta ingurumenaren babesari buruzkoak, eta aplikatu behar zaizkien gainerako xedapen guztiak.

Hori gehitzea proposatzen dugu proposatutako lege-testuaren agindu batzuetan –bereziki II. Kapituluaren aurrekusten diren– sektoreko araudia dagoela adierazten delako, baina araudi hori zehaztu gabe. Horregatik komenigarritzat jotzen da sektoreko araudia berariaz aipatzen duen artikulua bat gehitzea. Horren ordean xedapen gehigarriren batean gehitu ahal izango litzateke.

12. artikulua. Instalazioen kalitatea eta gutxieneko zerbitzuak

- Lehenengoz, 1.b. atalari dagokionez, telefono orokorra zer den azaltzea proposatzen dugu, hau da, publikoa izango den ala ez.
- Bigarrenez, 4. puntu bat gehitzea gomendatzen da:

Eraikineko gela guztietan suteetarako ebakuazio plano bana egongo da, atearen barnealdean itsatsita. Planoan ebakuazio bideak, irteera argiak, larrialdietarako argiak eta itzalgailuak non dauden erakutsiko da eta segurtasunerako behar diren gainerako oharrak jarriko dira.

15. artikulua. Ostatu-unitateen gutxieneko eskakizunak

3. puntu bat gehitzea gomendatzen da, hala 3.a aurrerantzean 4.a izango dela.

3. Ostatu-unitateak ezin izango dira inola ere lurpean egon.

16. artikulua. Logelak

f) atala gehitzea gomendatzen da:

f) Gela bakoitzean ohe eta ohatzeak atek eta leihoak guztiz ireki ahal izateko moduan antolatu beharko dira beti.

17. artikulua. Higiene-zerbitzuak

- Lehenengoz, 1.b) atalean hau gehitzea gomendatzen da:

Oinutsik ibiltzeko lekua lurzoru irristagaitzekoa eta erraz desinfekta daitekeena izango da.

- 4. puntuari dagokionez, hau gehitzea gomendatzen da:

Solairu bakoitzean, bainugela eskusiborik gabeko gelak badaude, komun kolektiboak instalatuko dira, **gutxienez bat sexu bakoitzarentzat.**

22. artikulua. Espezialitateak

- Lehenengoz, 1. puntuan, adierazten da Donejakue Bidearen trazadura ofizialarekin alderatuta 2 km-ko gutxienerako distantzia handiagoa izan daitekeela urte osoan garraio publiko erregularra badago, baina maiztasuna edo distantzia zehaztu gabe. Horri buruzko zehaztasunak ñabartzea proposatzen da.
- Bigarrenez, 2. puntuan aterpetxe bat “landa eremuko” gisa hartzeko zehaztutako eskakizunak ez dira agertzen.

24. artikulua. Prezioak

1. puntuan idazkuntza berria gomendatzen da:

1.- Turismo-aterpetxearen titularrak prezioak deklaratu eta **ahalik eta gehien** argitaratu beharko ditu eredu ofizialen arabera, bai ostatuari bai, bidezkoa bada, ematen dituen zerbitzuei eta jarduera osagarriari buruz, eta jendaurrean jarri beharko ditu, **nabarmena eta erraz aurkitzeko modukoa den leku batean**, atondotik erraz ikusteko moduko leku batean edo establezimenduaren harrera-gunean.

Gure ustez, horrela prezioen kokaleku argia osatzen da.

26. artikulua. Fakturak

1. puntuan, amaieran, jarraian zehazten dena gehitzea gomendatzen da:

1.- Turismo-aterpetxeek faktura egin beharko dute. Faktura horretan agertu beharko dira, establezimenduaren identifikazio-datuez gain, bezeroaren izena, kontratatu diren zerbitzuak eta, bidezkoa bada, eman direnak, “sarrera-fitxan” ageri den bezala, egunen eta kontzeptuen arabera behar bezala banakatuta. Ezin izango dira **guztirako zenbatekoak besterik gabe azaldu**.

Artikulu berri bat gehitzea: 29. artikulua. Erantzukizun zibileko aseguru

Nabarmentzekoa da artikulu batean berariaz ez agertzea erantzukizun zibileko aseguru bat edukitzearen beharrezana. Izan ere, beharrezkoa den dokumentazioan aipatzen da, baina ez dauka atal berariazko eta propiorik, hori komenigarria den arren.

20/12j

Horri dagokionez honako bertsio hau proposatzen dugu:

- 1.- Hartzailearen edo hirugarren baten osasunerako, segurtasun fisikorako edo beren ondasunetarako arrisku zuzen eta zehatza dagoenez, Dekretu honetan araututako establezimendu guztiek erantzukizun zibileko aseguru eguneratua eduki beharko dute, funtzionamenduaren arrisku normalak bermatuko dituen.
- 2.- Establezimendu bakoitzak erantzukizun zibileko poliza kontratatu eta indarrean eduki beharko du, gutxienez ezbehar bakoitzeko xxxxxxxxxxxx euroko estaldurarekin (7.1.c artikuluekin bat etorriz)
- 3.- Gutxieneko zenbatekoak Industria, Berrikuntza, Merkataritza eta Turismo Sailburuaren Aginduz eguneratuko dira.

Beste alderdi batzuk: Epealdi iragankorra

Dekretu-proiektuaren artikuluek lehendik eratuta dauden aterpetxeetarako eskakizun jakin batzuetan aldaketak sartzen dituzte (edukierak, funtzionamendua, erreserbak, aseguruak...), EHAAn argitaratu eta hurrengo egunetik aurrera aplikatu beharrekoak. Alde horretatik, gure iritziz epealdi iragankor bat arautu beharko litzateke aterpetxe horiek araudi berrira egokitu ahal izateko.

IV.- ONDORIOA

EAEko EGABek egokitzat jotzen du Turismo-aterpetxeak arautzeari buruzko Dekretu-proiektua tramitatzea, organo aholku-emaile honek egindako gogoetak kontuan hartuta

Bilbon, 2012ko irailaren 21ean.

O.E. Lehendakaria
Juan María Otaegui Murua

Idazkari Nagusia
Francisco José Huidobro Burgos

20/12*i*



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzordea

©Argitalpena: EEGAB

Gran Vía 81, 7. solairua
48011 Bilbao, Bizkaia
www.cesvasco.es

Maketazioa: EEGAB

Inprenta: Gestingraf

Lege Gordailua: BI-1603-12